

Meeqqat atuarfianni atuartunut kollegiami inissat pillugit Namminersornerullutik Oqartussat nalunaarutaat

Kulturimut atuartitsinermullu tunngasut siulersorneqarnerat pillugu inatsisartut peqqussutaanni nr. 8-mi 7. maj 1988-imeersumi § 6 aamma meeqqat atuarfii pillugit landstingip peqqussutaani nr. 6-im 16. oktober 1979-imeersumi § 10 naapertorlugu Kalaallit Nunaanni Kommuneqarfitt Kattuffiannik isumaqatigiissuteqarneq malillugu matumuuna makku aalajangersarneqarput:

§ 1. Meeqqat atuarfii pillugit landstingip peqqussutaan naapertorlugu meeqqat inuuusuttullu 20-it inorlugit ukiullit kommunemi najugaqartut ilinniartitaanissaat kommunep isumagissavaa.

Imm. 2. Ilinniartitsinissami unnersuussutissat inoqarfinni minnerusuni (savaateqarfinni, piniariartarfinni, nunaqarfinni minnerusuni assigisaannilu) naammattumik annertussuseqarsinnaanngippata kommunemi eqiterfiusumik ilinniartitsinissaq kommune unnersuussutigissavaa. Tamatumunnga atatillugu ineqarnissamut periarfissiineqassaaq kollegiami inissat pisariaqartinneqartutut amerlassusillit pissarsiarineqarnerisigut imaluunniit atuartut allatut inissaqartinnerisigut.

Imm. 3. Immikkut ittunik pisoqartillugu kommune pisussaaffini naammassisinnaavai kollegiami inissat pisariaqartinneqartutut amerlassusillit kommunemi allami atugassanngortinnerisigut.

Imm. 4. Kultureqarnermi Atuartitsinermilu Pisortaqarfik aalajangersinnaavaa kommunet ataasiakkaat kollegiami inissanik pisariaqartinneqartutut amerlatigisunik kommunenut allanut atugassanngortitsinissaat.

Imm. 5. Kultureqarnermi Atuartitsinermilu Pisortaqarfik kommune sinnerlugu iliuuseqartassaaq inoqarfinnut kommuneqarfitt avataanniittunut tunngasut pillugit.

§ 2. Atuarnermut atatillugu kollegiami najugaqarneq imaluunniit allatut ineqarneq meeqqat atuarfianni atuartunut akeqanngilaq.

§ 3. Kultureqarnermi Atuartitsinermilu Pisortaqarfik atuartut atuarfinni ineqarfullutilu nerisaqarfiusuni, meeqqat atuarfii pillugit landstingip peqqussutaani § 11 naapertorlugu pilersinneqartuni, tiguneqartarnerat pillugu malittarisassaliussaaq.

§ 4. Meeqqat atuarfisa kollegiaasa ingerlatitaanerannut Namminersornerullutik Oqartussat tapiissuteqartassapput meeqqat atuarfinut siunertanut kommunemut tapiissutit tamanut tunngasut (ataatsimoortumik tapiissutit) ilaattut naapertuilluartumik tunngaveqartumik tapiisarneq malillugu.

Imm. 2. Kalaallit Nunaanni Kommuneqarfitt Kattuffiannik isumaqatigiissuteqarneq malillugu tapiissutinik agguassinissamut tunngavissat aningaasanut inatsimmi aalajangerneqassapput.

§ 5. Kultureqarnermi Atuartitsinermilu Pisortaqarfik atuartut kollegianut tiguneqartarnerat il. il. pillugit erseqqinnerusunik malittarisassaliussaaq.

Imm. 2. Kommunet immikkut ittunik pisortaqartillugu kollegiami inissanik kommunenut allanut atugassiisut

tamanna kommunenit taakkunannga akissarsissutigissavaat.

Imm. 3. Kultureqarnermi Atuartitsinermilu Pisortaqaarfik Kalaallit Nunaanni Kommuneqarfitt Kattuffiannik isumaqatigiissuteqarneq malillugu kollegiami inigititanut akigititat, tamakkununnga ilanngullugu ukiumut akiliutissaq aalajangersimasoq, pillugit erseqqinnerusunik malittarisassaliussaaq.

§ 6. Atuartut aamma angajoqqaat kollegiani sunniuteqarnissaat pillugu Kultureqarnermi Atuartitsinermilu Pisortaqaarfik erseqqinnerusunik aalajangersagaliorsinnaavoq.

§ 7. Nalunaarut una atulissaaq 1. august 1989. Tamanna peqatigalugu atorunnaassaaq Kulturimik Atuartitsinermillu aqutsisut ineqartussat tiguneqartarnerat inissinneqartarnerallu pillugit kaajallaasitaat 7/80.

Imm. 2. Ukiut atuarfiusut 1989/90 aamma 1990/91 pillugit Kultureqarnermi Atuartitsinermilu Pisortaqaarfik kommunenut § 1, imm. 1, 2, aamma 3-mi aalajangersakkanik naammassinnissinnaanngitsunut ikaarsaariarnermi atortussanik aalajangersagaliorsinnaavod.

Namminersornerullutik Oqartussat, Nuuk, ulloq 9. februar 1989.

Jens Lybert

/

Hugin S.Christiansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

